



05 SEP, 2020

Siasat dakwaan penduduk harga barangan mahal

Kosmo, Malaysia

Page 1 of 2

Siasat dakwaan penduduk harga barangan mahal

SUNGAI PETANI – Tindakan tegas akan diambil terhadap peniaga sekiranya didapati menaikkan harga barangan di kawasan Perintah Kawalan Pergerakan Diperketatkan (PKPD) Secara Pentadbiran di Ambangan Heights, Amanjaya di sini.

Pengerusi Jawatankuasa Pertanian Industri Makanan, Perusahaan Perladangan, Komoditi, Pengangkutan dan Hal Ehwal Masyarakat India Negeri Kedah, Azman Nasrudin berkata, pihaknya akan bekerjasama dengan Kementerian Perdagangan Dalam Negeri dan Hal Ehwal Pengguna (KPDNHEP) untuk membendung perbuatan tidak bertanggungjawab itu.

“Sepatutnya peniaga yang berada di kawasan PKPD prihatin dengan nasib yang dialami penduduk dan beretika menjalankan urusan niaga.

“Jangan ambil kesempatan sesuka hati menaikkan harga walaupun dalam keadaan apa sekalipun, sebaliknya peniaga perlu ikut harga semasa yang ditetapkan,” katanya.

Katanya, kerajaan negeri telah menjalankan pelbagai usaha menjaga kebajikan penduduk di bawah PKPD termasuk memastikan bekalan makanan sentiasa mencukupi.

Azman berkata demikian semasa diminta mengulas rungutan penduduk Zon Marwar, Melor dan Kenanga yang mendakwa barangan di beberapa buah premis perniagaan di situ dijual dengan harga tinggi.

Beliau ditemui semasa hadir meninjau Pasar Segar Terkawal di Zon Kenanga di sini semalam.

Penduduk mendakwa harga barangan basah, kering dan produk yang ditinkan meningkat berikutan permintaan tinggi semasa sekatan.

Katanya, penduduk diminta membuat laporan terus kepada KPDNHEP jika mendapati peniaga kawasan terbabit menaikkan harga barangan sesuka hati.

“Peniaga tidak bertanggungjawab itu boleh dikenakan tindakan mengikut Seksyen 21, Akta Kawalan Harga dan Antipencatutan 2011,” tambahnya.



AZMAN (kiri) meninjau keadaan di Pasar Segar Terkawal di Zon Kenanga, Ambangan Heights, Amanjaya, Sungai Petani semalam.



05 SEP, 2020

Siasat dakwaan penduduk harga barangan mahal

Kosmo, Malaysia

Page 2 of 2

SUMMARIES

SUNGAI PETANI - Tindakan tegas akan diambil terhadap peniaga sekiranya didapati menaikkan harga barangan di kawasan Perintah Kawalan Pergerakan Diperketatkan (PKPD) Secara Pentadbiran di Ambangan Heights, Amanjaya di sini. Pengerusi Jawatankuasa Pertanian Industri Makanan, Perusahaan Perladangan, Komoditi, Pengangkutan dan Hal Ehwal Masyarakat India Negeri Kedah, Azman Nasrudin berkata, pihaknya akan bekerjasama dengan Kementerian Perdagangan Dalam Negeri dan Hal Ehwal Pengguna (KPDNHEP) untuk membendung perbuatan tidak bertanggungjawab itu.